

րակ Արքային, Բդեշխն, Երեւելի այլազգիք քաղաքին, Գիրիլլաս Պատրիարքն Յունաց իւր պարագայիւք, Յովհաննէս Պատրիարքն Հայոց Եպիսկոպոսօք և Վարդապետօք, եւ Յովսէփ Վալերիայ Լատին Պատրիարքն Հիւպատոսիւ Գաղղիոյ . ուր զինի քաղաքական պատուոյ և յարգանաց՝ սկիզբն արարին խօսիլ 'ի վերայ ծանուցեալ խնդրոց: Յոյնք ոչ երբէք կամեցան զիջանիլ 'ի պահանջս Լատինաց- զի և հրովարտակ Արքային զնոյն հրամայէր, պատուիրելով չխախտել զիրս ինչ 'ի տեղւոջէ իւրմէ՝ և խանգարել զառաջին կարգն: Այսպէս յետ ընդ երկար վիճելոյ, Աֆիֆ Պէյ գործադրեաց զհրաման Արքային թէ՛ 'ի Ս. Յարութիւն և թէ՛ 'ի Ս. Աստուածածին . մի միայն ետ բեւեռել 'ի տեղի Ծննդեան Գրիստոսի աստղանիչ ճաճանչն, զոր առաքեալ էր Սուլթան Մէճիտ Արքայն, և ետ նոցա զմի բանալի արտաքին դրան եկեղեցւոյն Բեթ զեհէմի, բայց զերաւունս բանալոյ եւ ժակելոյ 'ի սահմանեալ ժամանակին եթող վերստին 'ի ձեռս Յունաց, և յեկեղեցին որ և իցէ հոգեւոր պաշտօն կատարելոյ զիրաւունս ոչ ետ Լատինաց: Մնաց միայն որոշումն կարգին, թէ՛ ո՞յք 'ի Ս. Աստուածածին առաջին լիցին, ո՞յք միջին, և ո՞յք յետին 'ի պատարագել, որոյ վասն յետ երկուց աւուրց Աֆիֆ Պէյն, Գատաւորն և ամենայն անդամք քաղաքական ժողովոյն հանդերձ Պատրիարքօք երկոց ազգաց և Հիւպատոսիւ Գաղղիոյ իջին յապարանս Բդեշխին, ուր կազմեցաւ ժողով. անդ զինի այլ և այլ բանից շուրջ զխնդրովք՝ առաջարկեաց Աֆիֆ Պէյն թէ՛ Բարձրագոյն հրովարտակի որոշումն ոչ այլ ինչ վախճան ունի, եթէ ոչ առաջին կարգն անխախտ մնալով՝ միայն Լատինք հանդերձ սպասուք պատարագի իւրեանց զինի միւս ազգաց մտցեն յեկեղեցին մատուցանել զԱստուածային պաշտօնն, և 'ի լրանալն՝ առեալ կրկին զամենայն կահս իւրեանց ելցեն արտաքս: Լատինք ոչ երբէք յանձն առնուլ կամեցան մնալ յետին, եւս և խնդրեցին հաւասար Հայոց եւ Յունաց ունել բանալի մի դրան տաճարին, ոյր վասն բազում ինչ խօսեցան Լատինք 'ի ժողովի անդ . և յետ երկար բանից՝ պատասխանի ընկալան թէ՛ «Պահանջք ձեր չիք յորոշման անդ»: Յայնժամ կըրկեաց Լատին Պատրիարքն և ասէ՝ «Եթէ Հայք եւ Յոյնք